

**MESYUARAT KEDUA, PENGGAL KEDUA,
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB BUKAN LISAN

**DARIPADA : YB. Datuk Noor Ehsanuddin bin
Mohd Harun Narrashid
[Kota Tinggi]**

NO. SOALAN : 112

Minta **MENTERI KEMAJUAN LUAR BANDAR DAN WILAYAH** menyatakan apakah langkah-langkah proaktif dalam membantu pekebun kecil getah dari segi kajian dan pembangunan, bantuan sara diri serta latihan keusahawanan berikutan penurunan harga getah dalam pasaran dunia.

JAWAPAN:

Tuan Yang Di-Pertua,

Di antara usaha-usaha yang telah diambil dan dilakukan oleh RISDA untuk membantu Pekebun Kecil Getah berikutan penurunan harga getah yang rendah adalah seperti berikut :

- i. mengurangkan harga benih dan baja getah;
- ii. memberi bantuan alat torehan melalui Program Pengekalan Getah (PPG) dan Skim Insentif Produktiviti Getah (SIPG);
- iii. memendekkan rantaian pemasaran melalui Program Pembangunan Infrastruktur Pemasaran (PIP);
- iv. meluaskan Prasarana Asas Pertanian (PAP);
- v. mengamalkan '*Good Agricultural Practices*' (GAP);
- vi. memperkenalkan '*Low Intensity Tapping System*' (LITS) atau Sistem Torehan Kekurangan Rendah;
- vii. menggalakkan Program Tanam Semula Getah ke Tanaman Lain (TSGL);
- viii. melatih usahawan baru melalui Program Keusahawanan;
- ix. menggiatkan Aktiviti Ekonomi Tambahan;
- x. meningkatkan Agihan Dividen melalui Syarikat Milikan RISDA;

- xi. melaksanakan Program Bantuan Sara Hidup Pekebun Kecil (SHPK); dan
- xii. melaksanakan pemberian Bantuan Khas Kejatuhan Harga Getah atau BKKH 2.0 kepada seramai 260,000 pekebun kecil.

MAKLUMAT TAMBAHAN

Penjelasan Lanjut mengenai inisiatif yang dilaksanakan oleh RISDA

i. Mengurangkan harga benih dan baja getah

Mewujudkan beberapa inisiatif dan program yang boleh **mengurangkan harga benih dan baja** di mana harga benih RISDA adalah RM2.33/pokok berbanding harga pasaran RM4.50/pokok. Manakala jumlah pengurangan harga baja iaitu baja RISDA 1 dikurangkan daripada RM1,374/MT (2013) kepada RM1,190/MT (2014), perbezaannya sebanyak RM184/MT dan baja RISDA 4 daripada RM1,448/MT (2013) kepada RM1,100/MT (2014), perbezaannya sebanyak RM348/MT. Pengurangan kedua-dua jenis baja tersebut berjumlah sebanyak RM532/MT;

ii. Program Pengekalan Getah (PPG) dan Skim Insentif Produktiviti Getah (SIPG)

Membantu Pekebun Kecil mengurangkan kos input dengan meningkatkan produktiviti getah. Mereka diberi bantuan alat torehan melalui **Program Pengekalan Getah (PPG)** serta bahan rangsangan lateks, cuka pembeku getah dan baja melalui **Skim Insentif Produktiviti Getah (SIPG)**;

iii. **Program Pembangunan Infrastruktur Pemasaran (PIP)**

Melalui **Program Pembangunan Infrastruktur Pemasaran (PIP)** dengan pembinaan **Pusat Timbang dan Stor (PTS)** serta **Depo Simpanan** RISDA yang berperanan untuk memendekkan rantai pemasaran agar Pekebun Kecil memperoleh harga yang lebih tinggi;

iv. **Prasarana Asas Pertanian (PAP)**

Memberikan bantuan prasarana kepada kawasan yang memerlukan melalui program **Prasarana Asas Pertanian (PAP)** seperti jalan pertanian dan sistem perparitan;

v. **'Good Agricultural Practices' (GAP)**

Mengalakkan Pekebun Kecil mengamalkan '**Good Agricultural Practices' (GAP)**. Amalan ini berupaya mengurangkan penggunaan tenaga buruh asing sekaligus meningkatkan pendapatan mereka sendiri;

vi. **'Low Intensity Tapping System' (LITS) atau Sistem Torehan Kekerapan Rendah**

Memperkenalkan '**Low Intensity Tapping System' (LITS) atau Sistem Torehan Kekerapan Rendah** yang dapat meningkatkan bilangan '*task*' torehan mereka;

vii. **Program Tanam Semula Getah ke Tanaman Lain (TSGL)**

Mengalakkan Pekebun Kecil menyertai **Program Tanam Semula Getah ke Tanaman Lain (TSGL)** yang merangkumi 5 jenis tanaman buah-buahan untuk menikmati pendapatan tambahan;

viii. **Program Keusahawanan**

Melalui **Program Keusahawanan** dengan sasaran seramai 1,700 usahawan baru dilatih melalui **Program Pembangunan Keusahawanan** dan **Tabung Pembangunan Sosio Ekonomi Pekebun Kecil**;

ix. **Aktiviti Ekonomi Tambahan**

Melalui Program **Aktiviti Ekonomi Tambahan** untuk memastikan penggunaan tanah yang optimum dengan menggalakkan Pekebun Kecil supaya melaksanakan tanaman kontan seperti cili, pisang, nenas dan lain-lain;

x. Syarikat Milikan RISDA

Meningkatkan agihan dividen kepada Pekebun Kecil dengan usaha **Syarikat Milikan RISDA** yang mengoptimumkan kesemua kawasan getah supaya boleh ditoreh sekaligus untuk memaksimakan hasil getah; dan

xi. Program Bantuan Sara Hidup Pekebun Kecil (SHPK)

Program ini bertujuan untuk menampung pendapatan harian bagi Pekebun Kecil yang layak dan mematuhi syarat dengan memberi bantuan kewangan sebanyak RM500 sebulan selama 48 bulan.

xii. Bantuan Khas Kejatuhan Harga Getah atau BKKH 2.0

Pemberian Bantuan Khas Kejatuhan Harga Getah atau BKKH 2.0 kepada **seramai 260,000 pekebun kecil** yang layak berdasar kepada syarat-syarat yang telah ditetapkan.

Pemberian ini melibatkan **peruntukan sebanyak RM130 juta** iaitu pada **kadar RM500 seorang secara 'one-off'** yang bertujuan untuk meringankan beban kos sara hidup pekebun kecil getah yang terjejas akibat kejatuhan harga getah yang ketara pada masa ini.